

VAKIVAKIM-PIAINANA

Iharilanto Patrick ANDRIAMANGATIANA

Malagasy Kilasy Famaranana

1. Ny mpanoratra : Iharilanto Patrick ANDRIAMANGATIANA

Ny fiainany

Iharilanto Patrick ANDRIAMANGATIANA dia teraka tamin'ny 16 mey 1955 tany Mitsinjo, Mahajanga. Zanaky RAZAFINDRAKOTO John David sy RAZANAMANGA Victoire. Nitezain-dRaiibe sy Renibeny avy amin-drainy nandritra ny fotoana vitsivitsy. Vao folo taona dia efa mahaivaky ny Baiboly. Nanambady tamin'ny taona 1984.

Ireto ny sekoly nianarany sy ny fianarana nataony

- Ambaratonga voalohany: *Sekoly Protestanta Ankadinbahoaka, Ecole Chrétienne Ambatomitsangana.*
- Ambaratonga faharoa: *Lycée Philibert Tsiranana Mahajanga, Lycée Moderne Ampefiloha, Lycée J.J. Rabearivelo, Antananarivo*
Nahazo ny *Baccalauréat Lettres et Philosophie* tamin'ny 1974.
- Ambaratonga ambony: Oniversiten'i Madagasikara, Sampana Teny sy Haisoratra ary Riba malagasy. Nandahina ihany koa ny *Littéraires français* sy ny *Anthropologie* ary ny "Fandikana literera".
Nahazo ny *Licence es Lettres Malgaches* tamin'ny 1978.

Ireto kosa ny asany sy ny toerana lasany

- 1979-1987 : Tao amin'ny *Lycée sy Collège Maranatha Moramanga*, mampianatra Malagasy, Frantsay, Filozofia.
- 1981 : Namita iraka tany amin'ny *Lycée Mananara-Avaratra* (Fihaonana tamin'ny riba malagasy hafa).
- 1987 ka hatramin'izao, ao amin'ny *Lycée Andoharanofotsy*, mampianatra teny malagasy.

Fikambanana misy azy

- Ny FIKAMBANANA MALAGASY MANDALA NY RIBA (FMMR), nanomboka tamin'ny 1993.
- Ny HAVATSA UPEM, nanomboka tamin'ny Febroary 1996, ary Filoha lefitry ny fikambanana izy, nanomboka tamin'ny 1999.
- Ny AKADEMIAM-PIRENENA MALAGASY, Sampana I, nanomboka tamin'ny febroary 2002.
- Ny Faribolana IPA.

- Ny fampitaliany ny tenany andu'ity zavalahy. "Ny hokotro tsinena tsy mba mamitatra toy ny an-dRamily, ka tsy tian'ny olona. Ary aiza koa moa izay satoko sy fanamiko sy basiko sy fiteroko e?".
- Ny "be mpischaon-dRamily nahavita azy, fa ny bakabakako nampikatso ahy!"
- Ny filazalazany ny momba an'i Meja teny Tsaralalana: "Niolika dia niolika ny tapany ambany, toa te hivoaka avy tao amin'ilay zipony fohy dia fohy; sa ity fehikibo lehibe loatra no dia nangeja ny andilany ka nampitraotra ireo nofo-maojany? Ny tratrany niantso ny hatsiaka tamin'izato akanjo ambony nanarutena, hila tsy hahataliry izay odiany nafenina".
- Ny filazany ny fanahafan'i Miara an-drainy ao amin'ny toetrany: "Nifindra teny amin'i Miara ny hokotry Ramily rainy".
- Na dia nahatsikaiky aza anefa dia mampungoraka tokoa rehefa halalinina, ahi tana izany ny filazan'i Teiry ny momba ny tenany: "Nandany fotoana tao an'efi bahiny tao aho mazàna. Ilay fitara be no nahavariana ahy tao. Nifanandrina tao Ratsiry be saina mpaka rano tsy an'asa sy izaho".
- Nodinihiko tsara ny endriny. "Endrey 'ty volony! misariadritaka toa vady kifa-fa! Ary 'ty handriny! mandondona mila hianjera! Marina tsy mila fanohanana io! 'Reto maso e! Lalina dia lalina, fanjeran'izao karazan'alahelo rehefa izao... Ireto molotra aza toa mangovy-palantserana sahadry! Ratsy tokoa raha ity "Ratsiry be saina tsy an'asa ity! hoy aho. Nojeraka indray ny bikaany, notombanako tsara. "Dray"! 'ty tratrany! mitakianky toa tany vatoina! Ary ity kibo e! mitofeza-dava tsy mety voky! manina tsy kankarina io! 'Reto sandry e! Hozatina dia hozatina, fisavilian'ny dabon-diano, ireto fe aza toa mitsenampalantserana sahadry! Mahomosa tokoa raha ity Besapaka ity, hoy aho".
- Tantara mahaliana tokoa ity tantara ity noho izy mampiharihary zava-misy iainana sy lafin-javatra maro hita na re fotsiny fa tsy nobalalinina. Mitanojo amin'ny hetahetam-pon'ny Malagasy ankehitriny, toy ny fampijoroana ny taha-marimana ny hevitra sasany. Ary ny filazan-javatra ao amin'ny tantara dia nahafahana nampihatra lafiny maromaro amin'ny zava-kanto vita amin'ny teny.



toa reko nitete, nitsitaitaika; dia nigoriana avy eo, nanorika hatrany anaty foko any ireo vongan'alahelo ilorain'ny fitiavany. Nangidy ny afero ka tohina ny aty. Ny atim-poko, maizina, maizin-kitroka. *Ary ilay jiro, ilay jiro solitary* – tsy nahazava izany, tak. 31.

- Ary ny tantara manontolo dia voafehin'izany tamberina fampiatiana izany ka ny fanoritanany fiainany nambaran'ilay mpandray anjara fototra ao amin'ny tak. 2: "Tsy mba mety ho tantara ny fiainako. Tsotra loatra manko..." dia naveriny any amin'ny farany, tak. 75: "Izany no ilazako fa tsy mba mety ho tantara ny fiainako. Mahantra loatra manko..."

5. Fandaharana an-tanantohatra ny zavatra tanisaina, ka na io lanja miakatra, na lanja midina

- Lanja miakatra no hita amin'ity fampisehoan'ny mpanoratra ny fikororo-soan'ny tokantranon-dry Ramily any amin'ny fahasahiranana noho ny fihe-nan'ny fidiram-bola ity.
- "Noheveriko ho *andro ratsy* nandalo izany, kinanjo zary *fahavaratra* sari-noni-na: ny maraina *nandongilongy*, ny antoandro *nanavandra* ary ilay alim-pito-niana aza dia *nirefo-baratra*", tak. 15.
- Toy izany koa raha nahita an'i Mino indray i Tsiry. Dia nanontany tena hoe: Izy sa tsy izy. Ampitain'ny mpanoratra amintsika ny fizotran'ny eritreriny, niainga amin'ny fisalasalana ka ho tonga any amin'ny fiaikena hoe: tena izy marina.
- "Nodinihiko tsara ka *izy ihany*, Nohatoniko, ka *izy foana*. Notomoriko ka *izy mihitsy*", tak. 22.

6. Fampiasana fifamalian-drafitra

- Hita eo amin'ny hevitra lazain'ny fehezanteny sy eo amin'ny vahan'ny fehe-zanteny. Miharihary io fifamalian-drafitra io ao amin'ny takila 3-5.
- Ny akoholahy mpamoha ahy isa-maraina dia vehivavy mpantsaka... Saingy tsy mba neken'ireto mpantsaka ho nitovy zara taminy aho, hany ka noraiketiny hoe i Be saina mpaka rano. Dia menatra aho, tak. 3-4.
- Mba nivaky tamin-dranabavy ihany aho ny amin'izany henatro izany... Ka fan-tatro foana anie...
- Ny sosoa mpamelona ahy isa-maraina dia herongerona-dehilahy... Saingy tsy mba neken'ity zaodahiko ho «ara-dalana» izany, hany ka notebahiny hoe: "Ratsiry tsy an'asa". Dia saikatra aho, Mba nitaraina tamin-dranabavy ihany aho momba izany fahoriam-panahiko izany... Ka reko foana anie..., tak. 4-5. Mampiseho sehatra roa samy izakan'i Tsiry fanarabiana, samy ijaliany sy ita-rainany amin'ny anabaviny sy ampiononan'io azy, io fifamalian-drafitra io.
- Na dia any anaty fehezanteny aza dia mety ahitana io fifamalian-drafitra io.
- Rakotovao, nampitontanian'ny taona sy ny fahantrana ka "miandry izay igadona-ny"; i Fano, aingan'ny hery sy ny fanantenana ka miandry izay ivelany, tak. 38.

7. Fampiasana filazan-javatra mahatsikaily

- Ny filazany ny fahareseny sy ny fahazoan-dRamilyotra (vola avy amin'ireo mpamily fiarakodia sakanany). "Dia naleoko ihany nijanona nitampify teo ambanin'ilay bokotry Ramily! Bokotra be efa-joro fenoin'ny mpamily fiara vola isan'andro".

Ny maha mpanoratra azy

- Nanomboka nanoratra tamin'ny taona 1970, raha vao 15 taona monja izy, ary ela sarotiny tokoa ka anisan'ny nanosika azy handalina ny teny sy haiso-ratra teny amin'ny Oniversite ny ho tonga "tena mpanoratra".

- Ny asa sorany:

1. Amin'ny teny frantsay:

- L'Épiqupe d'un maître*, sombin-tantara voafantina tamin'ny 1^{er} concours de la meilleure nouvelle de langue française RTT-ACCT (Agence de Coopération culturelle et technique) tamin'ny 1978.
- La fuite du Dzangôa*, sombin-tantara nahazo ny 2^e Grand prix du Jury tamin'ny 8^e concours de la meilleure nouvelle de la langue française (RTT-ACCT) tamin'ny taona 1984.
- Reflets et Echos* ahitana ireo sombin-tantara nahazo loka teo aloha miampy valo hafa (mbola tsy voatonta).

2. Amin'ny teny malagasy:

* Amboaran-tononkalo:

- Nandray anjara tamin'ny "Amboaran'ny Hariva" RTM, Antson-tononkalo, 1988.
- Tantara sy ako*, notolorana "Sitraka sy telina" tamin'ny Fifaninana loka "Ny Avana Ramanantsoanina", Edisiana Leva BMOI ny taona 1991.
- Nofenoina ho tonga amboaran-tononkalo ahitana tononkalo 147 izy taty aoriana (mbola tsy voatonta). *Sombin-tantara sy ako* 1997.
- Felan-tatona*, boky kely tamin'ny fankalazana ny faha-45 taonan'ny Havatsa UPEM.

* Tantara foronina

- Vakivakim-piainana*, 1995
- Do-miverina*, 1985.
- Onjam-pilafila*, 2001 (Faribolana IPA).

* Tantara an-tsehatra: *Modi sary mihetsika*, 1985.

* Tantara an'onjam-peo: *Ilay vatsy famantsiana*, 1986. Nolalaoaina tao amin'ny Radin Don Bosco (1998-1999)

* Amboaran-tsombin-tantara: *Hany*, 2000 (Faribolana IPA)

* Andram-pandinihana: *Ny Malagasy manoloana ny tofom-pivoarana*, 1986.

* Tononkalo, hainteny, sombin-tantara: divoaka tao amin'ny Gazetim-piangonana *IRAKA* sy tao amin'ny Gazety *VALINA* (Havatsa UPEM).

2. Ny boky : *Vakivakim-piainana*

Ny ety ivelany

Boky kelikely mirefy 24 sm ny halavany, 14 sm ny sakany ary 0,14 sm ny hateviny. Miloko manga tanora ny fonony ka ny eto anoloana dia ahitana ny anaran'ny mpanoratra, ny lohatenin'ny tantara, ny sarin'ny mpanoratra izay misy ny anaran'ny loka azony: loka voalohany HAVATSA UPEM 1995; ny sehatra andalinana azy: ny kilasy famaranana.

Tafiditra ao amin'ny fandaharam-piainana malagasy kilasy famaranana sokajy A.C.D. Taona nivoahany: 1998.

Ny ao anatin'ny

Saika niverina amin'ny taratasy voalohany ny tao amin'ny fonony, ankoatra ny mikasika ny nampidirana azy ao amin'ny fandaharam-piainana. Ny takila voalohany dia misy ny teny fanolorana nataon'i RADO. Ny takila faharoa dia ahitana fampieritreretana notsoahina tamin'ny Baiboly mikasika ny fahendren'ny mahaatra. Ary eo ambanin'izay no ampitenenan'ny mpanoratra ny mpandray anjara fototra, ilazany ny momba ny tantarany: tantaran'olon-tsotra izay nosoritan'ny fiainany. Any amin'ny faran'ny tantara dia hamafisin'ny mpanoratra io nolazain'ny mpandray anjara fototra io ka nambarany fa tantaran'ny olomahaatra ny fiainany ka tsy mahalana.

Ny tena tantara dia ao anatin'ny takila mita dimy amby fitopolo.

Ny takila farany dia misy ny raki-piainana aman-tsoratra ny mpanoratra sy ny nanontana ny boky. Tsy ahitana fizahan-takila any amin'ny farany.

Trano printy, Imprimerie Tiana, Isan'ny natonta: 10.000.

Ny mamplavaka azy

Tantara foronina voasoratra tamin'ny 1995; nahazo ny loka voalohany tamin'ny fifaninanana nampanaovin'ny Havatsa-UPEM; ny nahazo ny loka faharoa dia ny *Silaky aina* nosoratan'i Lila RATSIFANDRIHAMANANA, ary ny nahazo ny loka fahatelo dia ny *Sary vongana* nosoratan'i Bernard RAVELOHARISON.

3. Ny tantara raketin'ny boky

Rafitry ny tantara

Tantara misy fizarana efatra, voasoratra ao anaty takila 75:

- *Fizarana voalohany*: takila 3-17, ahitana toko roa: Tsikalankalam-pihavanana.
- *Fizarana faharoa*: takila 18-31, ahitana toko roa: Tsikalankalam-pitia.
- *Fizarana fahatelo*: takila 32-58, ahitana toko telo: Tsikalankalam-bola.
- *Fizarana fahefatra*: takila 59-75, ahitana toko telo: Tsikalankalan'olona.

3. Fanafoazana fomba fiteny na ohabolana

Mahalana satria mahavoaka avy hatrany izay tian'ny mpanoratra hambara.

"Saingy omby mahia aho e. tsy mba filelaka fa dia fanaikitra kosa", tak. 9.

(Ny omby mahia tsy lelafin'ny namany).

"Ary kaiki-kavana, mafanafana sy maharariny fa lefitra ibany", tak. 9.

(Mafanafana io ratsy ataon-kavana).

"Fara fialofana anabavy e", tak. 10. (Fara vady, anadahy).

"Ny manam-patsa be pitia", tak. 17 (Manao havako raha misy patsa).

"Ny olona tsy mba vatsy", tak.18. (Ny tsinay tsy mba vatsy).

"Aleo mihinan-kely toy izay mihinanana ny tsy fihinana", tak. 43.

(Aleo homan-kely toy izay mandry fotsy).

"Ilay voalavo eo an-kibon-drazaodahiko tsinona tsy fantatro na efa maty na tsia!", tak. 46. (Tsy maty voalavo an-kibo).

"Indrisy r'ily jamba! Voa vao hisoroka!", tak. 69.

(Soro-baton'ily jamba, voa vao mihilana).

4. Fampiasana tamberin-teny

a) Ny tamberin-teny mifandray tendro:

"Anisan'ny lahasako koa manko io, saingy io no nahafinaritra ahy indrindra. Mahafinaritra indrindra satria tiako ilay olona tsenaiko any", tak. 6.

"Lazao ahy ary ny tsara e! Tsara ve ny karama lavitra ny ara-dalana omen'i Aziz antsika".

b) Ny tamberin-teny an-doha rafitra, na fehezanteny mitovy loka:

- *Menatra* aho manko. *Menatra* sao ho hitany eo. *Menatra* ny fifosan'ireo mpan-tsaka ireo aho, tak. 3.

- *Nitombo* ny olona nifaneraserako: *nitombo* koa ny olona nosedraiko. *Nitombo* sahala amin'ny zavakely ny vola nilaiko, tak. 24.

- Mianpofo aina samihafa ny *aloka* isan-tsokajiny: Ny *aloky* ny rindrina ifonosan'ny "katimia", ny *aloky* ny andrin-jiro itampifian'ny mamo, ny *aloky* ny lavarangana iafenan'ny "mpialina", ary ny *aloky* ny ati-fiara ifankatiavan'ireo mpifumfo miserana, tak. 37.

- *Roapolo taona* no nametrahany ny fanontaniana tahaka izany. *Roapolo taona* tsy nahazoany valiny mahafa-po, tak. 41.

d) Tamberin-teny am-para rafitra:

- Tiako ho-vidiana ho azy ny fanafoody *rehetra*, ny sakafy *rehetra*, ny tsara *rehetra*, tak. 30.

- Ny tompon'ny fahefana *rehetra* eto an-tany dia ny firerena *manan-karena*, ny tambatr'orinasa *manan-karena*, ny fianakaviana *manan-karena*, ny olona *manan-karena*, tak. 45.

e) Ny tamberina fampitahana:

- Ilay fanehoan-kevitra amerenana any amin'ny faran'ny famelabelaran-javatra ny teny na andian-teny nentina nanombohana azy.

- Ary ilay jira, ilay jira solitany mpambomba anay, nanoritra aloka teny amin'ny valin-drihana sy teny amin'ny rindrina sy teny rehetra teny, sarisary maizina nampanalavirin'ily lelafo nisarika ny jeriko - dia ny masoko natahotra ny hahita ireo tomanin'i Mino iborahan'ny fitaivany. Saingy na nodiako tsy hita aza,

Ny filazan-javatra ampiasain'ny mpanoratra ato ka mahakanto azy :

1. Fampiasana teny voafantiana

a) Fiteny andavanandro nefa tsy ampiasain'ny tanora firy :

- nanantsafa, tak. 6 ; tamoraina, tak. 16.
- nisalobona, tak. 22 ; ambilombazana, tak. 42.
- konka, tak. 50 ; somaingisaingy tak. 65.

b) Fiteny tsy mahazatra :

- mitolitsika, tak. 21 ; vahobo, tak 71 ; nijihijihy, tak. 71 ; nijihina tak. 71.

d) Fiteny malagasy tranainy :

- sakan-dahany, tak. 14 ; fatotra amam-pondrana, tak. 26.

e) Fitenin'ny sokajin'olona :

- Fitenin-jaza, fitenin'i Vony kely :
"Ividianan'i Tsiry be mofo aho izany an'!", tak. 6-7.
"Poika, tsy tian'i dadanay i Tsiry be e !"
"Angaha ianao efa manana zazakely hafa miaraka milalao aminao ?", tak. 46.
- Fitenin'ny mpivaro-tena :
"Irery angaha, ho'aho, izato malalako e ?", tak. 19.
"Mitombo kosa izany ny volan'ialahy a !", tak. 21.
- Fitenin'ny mpivarotra hani-masaka :
"Aty razokiny be a !", tak. 19.

2. Fanovana endri-javatra

a) Vambolana nandikan'ny mpanoratra teny vahiny sasantsasany :

- tambin-tsakafo, tak. 15 : *gouter*
- saram-pisakaizana, tak. 11 : *gâge*
- taokaonty, tak. 60 : *comptabilité*
- vatam-panorondrery, tak. 65 : (*jeu*) *solitaire*

b) Teny noforonin'ny mpanoratra :

- (ilazany ny zava-misy, misy notakariny tamin'ny fiteny tranainy, misy nosintoniny avy amin'ny endri-piainana ankehitriny) :
- pitik'afo, tak. 13 : vola azo avy amin'ireo mpamily fiara tsy manan-taratasy ara-dalàna
- bokotra, tak. 11 : galôna
- mpila, tak. 21 ; mpividy, tak. 20 : ireo lehilahy miaraka amin'ny mpivaro-tena
- rimorimom-piainana, tak. 10 : adim-piainana
- lalan-jirika, tak. 61 : lalan-kely ratsiratsy manavatsava anaty tanàna mampatahotra
- andro ririnina, tak. 61 : toetra mora mivadika

d) Anaram-besotra na fiantsoana sokajin'olona sasantsasany :

- Besapaka, tak. 3 : be saina mpaka rano, fiantsoan'ny mpantsaka an'i Tsiry
- Mpanendaka, tak. 21 : ireo mpangalatra ny eny an-koditr'olona
- Borisatroka, tak. 43 : karàna
- Zazavavin'ny alina, tak 19 : ireo mpivaro-tena

Famintinana ny tantara

Tovolahy kamboty efa mba tody teny amin'ny Oniversite ihany saingy tsy tafita tamin'ny fianarana nataony i Tsiry. Nipetraka tamin'i Voahangy anabaviny izy, saingy tsy zakan-dRamily zaodahiny na dia nandefitra sy nanao ny asan-trano rehetra aza, ka vovotery niala tao. Teny am-pitadiavana trano isitrihana no nahitany an'i Meja, tovovavy mpivaro-tena, sy nancken'io hitondra azy any an-tranony. Tao amin'io trano io no nifanonoany tamin'i Mino, olon-tiany taloha izay nandao azy, lasa mpivaro-tena ary marary ankehitriny.

Mainka nampitotototo azy hitady asa ny fifankatiavan'izy sy i Mino. Efa saika kivy izy raha nahita asa ho azy tao amin'ny tranombarotry ny karana iray atao hoe Aziz i Meja. Tsapan'i Tsiry tao ny hanafin'ny asa, ny tsy rariny atao ny mpampiasa amin'ny fandoavan-karama, amin'ny fanararaotam-pahafana sy amin'ny fampitomboan-karena tsy mazava. Niara-nanodinkodin'entana tamin'i Fano, mpiambina namany izy na dia natahotra mafy sy mba te hijoro amin'ny fahamarinana ihany aza. Taty aoriana dia nisolo toerana ny mpanao kaonty izy, nanjary nifandray tsara tamin'i Aziz sy nahazo tombontsoa betsaka. Nampitandrina azy i Fano sao mifono tetika maizina izao fifandraisan'i Aziz aminy izao nefa tsy nohenotiny. Nokarakarain'ity mpampiasa azy haka entana any Maorisy izy, jamban'ny hafahana hiampita ranomasina ka revo nanatanteraka izuy rehetra nampanaovina azy. Kanjo sarona teny amin'ny seranam-piaramanidina tao anatin'ireo valiha nampitondraina azy sy ny palitao nampisalorana azy ireo vovo-bolamena saika haondrana an-tsokosoko nefa tsy fantany akory. Resy teo anoloan'ny fampijaliana nataon'ny mpanao famotorana izy. Tsy afa-naro tena teo anoloan'ny mpitsara npanao famotorana kosa sady nialan'ity naniraka azy mora foana. Koa nampidirina amponja izy, tsy hisy afaka hamonjy ary nahatsapa tokoa ny fahareseny teo am-piandrasana ny fitsarana azy.

Fizotran'ny tantara :

Toe-javatra niandohana : Tsy afa-nanohy fianarana intsony i Tsiry ka vovotery nipetraka tamin'ny anabaviny sy ny fianakaviany.

Toe-javatra manova : Ntova ny asan-dRamily, nidina ny fari-piainany, tsy zakany intsony i Tsiry na dia efa niaritra ny latsalatsa isan-karazany hatramin' izay aza ka niala tsy nipetraka tao aminy intsony.

Olona : Tsy nahita trano itoerana i Tsiry, nivenjivenjy teny, tonga tany Tsalalàna.

Vahaolana : Nahita an'i Meja dia nanaraka an'io tany an-tranony, nifankahita tamin'i Mino.

Olona : Tsy ampy ny volan'izy telo mianadahy, i Mino tsy mety salama : i Tsiry anefa tsy mety mahita asa.

Vahaolana : Nahitan'i Meja asana mpiambina tao amin'ny tranombarotr'i Aziz i Tsiry.

Olona : Nambakain'i Aziz i Tsiry, tsy nifanarahana ny vidin'ny kafe nomena azy isamaraina.

Vahaolana : Fandeferana no nasain-dRakotovo, mpiambina, hoatra azy efa zokiolona, nasetry izany ; ary fianarana nanodinkodina boronan-damba no nataon' izy sy i Fano.

Toe-javatra mpanova : Lasa mpanao taokaonty tao amin'ny tranombarotr'i Aziz i Tsiry, nihatsara ny fiainan'izy telo mianadahy.

Olona : Nefitahin'i Aziz i Tsiry, mody nomeny tombontsoa sy nifandraisany tsara ary notairiny tamin'ny hoe ho any Maorisy, hay nampitondrainy vovo-bolamena an-tsokosoko am-pitaka.

Toe-javatra mamarana : Tratra irco vovo-bolamena tany aminy, Tsy afaka niaro tena izy ka dia vovotana tany am-ponja.

Ireo mpandray anjara

Mpandray anjara fototra

I Tsiry: Tovolahy manifinify, efa lasa lavitra tamin'ny fianarana ihany saingy tsy nahatody ka voatery nipetraka tao amin'ny anabaviny nefa natositosiky ny zaodahiny. Mba niharatra kely ny fiainany nony nifankatia indray tamin'i Mino, olontany taloha sy noho izy tafiditra hiasa tao amin'ilay tranom-barotry ny karana iray izay nahafahany nisondrotra ihany. Voafandrika anefa izy ka any am-ponja no iafarany.

Mpandray anjara mpanampy

I Voahangy: Anabavin'i Tsiry izay nandray azy rehefa tsy nianatra intsony izy. Nifandray taminy sy tia azy tokoa ka nitarainany tamin'ny fanarabian'ireo tovovavy mpantsaka sy ny latsalatsan-dRamily. Mataho-bady anefa ka tsy afa-nanohitra am-badiny sy miaro ity anadahiny. Nizaran'i Tsiry ny hafaliany koa izy nony mba netinety ny fiainany.

I Hany: Zazavavy kely mahatehotia, zanak'anabavin'i Tsiry ihany koa, zandrin'i Miaro, nifandray am-po tamin'i Tsiry; notsenain'i Tsiry rehefa avy nianatra, nilalao-vany, nalahelo noho ny tsy fahitany ity anadahin-dreniny intsony.

I Meja: Tovovavy mpivaro-tena sy mpiasa amin'ny hôtely, hitan'i Tsiry teny Tsalalalana raha nivezevzezy tsy nahita hisitribana izy. Nihevitra an'i Tsiry ho te hiaraka aminy ka nanaiky ny hitondra azy tany an-tranony. Naman'i Mino tena tia azy. Nahita asa ho an'i Tsiry. Tsy afa-namonjy azy intsony taty aoriana fa natahotra ny ho very asa.

I Mino: Tovovavy kanto niara-nianatra tamin'i Tsiry sy nifankatia taminy tany amin'ny Oniversite nefa nandao azy. Lasa mpivaro-tena, niray trano tamin'i Meja ary tsy salama intsony. Nivitrana indray ny fifankatiavan'izy sy i Tsiry.

Rakotovan: Lehilahy lehibe, mpiambina ny magazay miaraka amin-dry Tsiry. Drodroky ny asa mafy sy ny fandefarana nefa miaritra ihany sitrany ahay vaza-mihetsika.

I Fano: Mpiambina naman'i Tsiry, mahatsapa ny toerana misy azy, mahafantatra ny zava-misy ao am-piasana, te havo-tena ka manodina horonan-damba amin'ireo ampitaterina azy amin'ny alina, tsindraindray. Mahataka-davitra ka nampitandrina an'i Tsiry tamin'ny fihetsik'i Aziz.

Mpandray anjara mpendentika

Ramily: Zaodahin'i Tsiry, zandary nahazo ota «pitik'afo» avy amin'ireo mpamily fiarakodia sakanany; lehilahy mpirehareha sy mpanjakazaka izaitsizy. Nony nidina ny fari-piainany, vokatry ny namindrana azy amin'ny toeram-piasana hafa, dia nitombo ny loniloniny tamin'i Tsiry ka novakiny taminy fa tsy zakany intsony izy, ary nahariharyny ny tsy fitiavany azy, hatreny amin'ny fitsarana.

I Miaro: Zanak'anabavin'i Tsiry, zanak'i Voahangy, nanahaka an-dRamily rainy teo amin'ny fireharehany sy ny fanambanany an'i Tsiry.

I Aziz: Karana mpanan-karena tompon'ny tranom-barotra niasan'i Tsiry. Tia kely, tsy mahafoy ho an'ny mpiasany na dia kafe iray kaopy aza. Nampitombo ny fananany amin'ny fampidirana entana tsy mazava. Nandrokidroky an'i Tsiry ka am-pitaka no nampitondrany azy vovo-bolamena haondrana an-tsokosoko ho any Maorisy. Kanjo sarona i Tsiry; niala mora foana i Aziz.

b) *hevitra mampitombo ny fahafahana ny zava-misy* ka mampisokatra ny maso satria ahafahana zava-misy hafa noho ny mahazatra.

- *Ohatra:*

- Ny fampitomboan-karena amin'ny fomba tsy marina ka amin'ny alina no itaterana horonan-damba iray kamin'ny: "Matua alina no aterina ny entana, ao raha? Ny entana mazava, entana mazava. Ny entana maizimaizina, aterina maizina. Ny ara-dalana atao tazan'ny besinimaro tsara, mba ho vavolombelon'ny fahamarinany. Ny an-kosoka kosa, ampimintsika mpanompo mangina, mba ho antoky ny fananan-karenany", tak. 49.

- Ny fanondranana harem-pirene an-tsokosoko, toy ireo vovo-bolamena hita tao anatin'ireo valiha telo nampitondra i Aziz an'i Tsiry sy tao amin'ny "sosom-hozon'ilay palitao" nampisalarany azy", tak. 67-69.

d) *hevitra mancha ireo zava-misy saraha mahita tian-kialana,*

- *Ohatra:*

- Ny hasarotry ny fitadiavana asa: "Toa olom-boaozona, ka natao hitady fa tsy natao hahita. Toa olom-berry, ka natao hirenireny fa tsy hanam-pitsaharana. Niala maraina, dia nitety vohitra: "Sao mila mpiasa ianareo, tompoko?" Dia nihomby ny olona, na nanaraby, na niavona, na nitsetra, ..., fa tsy mba namaly mihitsy hoe: "Eay, mila mpiasa izahay", tak. 28.

- Ny havesatry ny fahantrana: "Tsy nahitam-piavana ny toe-pahasalaman'i Mino. Nihombo aza ny fandinihako ny aretany. Nihasarotra anefa ny fahazoampanafody ... Ny sakafo tsizarizary rahateo. Tsy misy azo iantcherana", tak. 28.

- Ny fanararaotana ny madinika: "Nahoana raha miala sasatra kely ianao Rakotovan, hoy aho nitsetra ity lahiantitra efa mireparepa tokoa. Ren'ingahy Aziz aho ka notezerany: "Ino miala sasatra? Malaky ianareo! Olo mila mandeha mody matory. Ataovy asa! Tsy mila resaka!". Izany no kabary tsy valiana. Nitohy ny ady maizina. Nandeha ny ora. Mivezika dia mivezika ireo vitsika telo lahy", tak. 51.

e) *hevitra mahafiana*, satria mifanandrify amin'ny hetahetan-bahoaka tamin'ny vanim-potoana nitrangan'ny tantara.

- *Ohatra:*

- Ny faniriana ny hanjakan'ny fahamarinana: "Ka ny anjaran'ny mahantra anie dia izay atolotry ny mpanana azy ihany e! Dia inona no Fahamarinana amin'izany?" tak. 45.

f) *hevitra mananarika ny firenena malagasy* dia ny fihazafany izany.

- *Ohatra:*

- Ny mikasika ny hasarobidin'ny fihavanana, ifikirana na toy inona na toy inona havesany: "Indrisy anefa! Havaoka ihany Ramily zaodahiko! ... Tsikalankalam-pihavanana: na ny kely indrindra aza tahirizina satria sarobidy loatra!", tak. 9.

- Ny fandalan'ny Malagasy ny fanahy: "Samy hafa i Meja teny Tsalalalana sy i Meja ao an-tranony. Na fiteny na fihetsika niva tanteraka. Ary na ireo akanjo fenti miasa teny an-kodiny aza efa nosoloiny fitafy maontina kokoa. Niverina ho Malagasy izy: mahalala menatra!", tak. 25.

tin'ny haizina ao ! Ampitovian'ny haizina ny rehetra. Tsy misy mifampijerijey. Amin'ny alina manko, matoa mifandinika : mpinamana izay na... mpifahavalo. Fa tsy hifampiolenolona tahaka ny amin'ny antoandro. Azon'ialahy, ry Tsiry ? Namako ny alina, tiako ! Tokony ho tia ahy koa... F'izay fahavaloko ao indray, matahotra ny sandry be ka mandositra. Izany mihitsy, leitsy no itiavako ny alina : manjaka ao ny sandry be ; manjaka aho !", tak. 39.

b) *hevitra nanjavozavo*, nanapan'ny olona ihany saingy ny mpanoratra no mampi-voitra azy.

- *Ohatra :*

- Ny fiheverana ny mahantra : "Mavomavo angaha ny tena ka ataon'ny olona ho maintimainty saina.", tak. 28.

- Ny fiheverany ny vavaky ny mahantra : "Ny tanam-polo manatona an' Andriamanitra, maivana kokoa ; ny tsy manan-kotafiana, tazany kokoa.", tak. 29.

- Ny fandraisana ny fiainana : "Fohy, hono, ny fiainan-janak'olombelona, fa ny fahoriana samihafa no toa dia manalava azy.", tak. 47.

d) *hevitra sarotra*, nefa manjary takatry ny olona ihany noho ny fahaizan'ny mpanoratra mancho azy.

- *Ohatra :*

- Ny fahazoany an'Antananarivo amin'ny alina : "Antananarivo mamatonalina manko tsy mba matory. Mitepotepo ny fony, fa tsy hamoha tory ny "olo-marina". Miefonefona ny avokavony, fa tsy hamindra aretina amin'ny olom-pinaritra. Natao ho an'ny manan-kotadiavina ny andro, fa ny alina ikarohan'ny tsy manan-koraisina...", tak. 37.

- Ny fandinihany ny momba ny asa : "Tsy ny asa no haminaniana sahady ny fana-ly.", tak. 25.

c) *hevitra tsotra*, nefa manjary mahavelom-panontaniana na mahatonga hanao fampitahana, noho ny fandrosoan'ny mpanoratra azy amin'ny fomba miaingitra.

- *Ohatra :*

- Ny filazalazany ny amin'ireo mahantra : "Tsy mba manam-potoana ho an'ny tenany ny mahantra na toa tsy misy heviny ho azy ny fotoana. Tsy mba misy zava-mahagaga antenainy manko", tak. 12.

- Ny fanehoana ny marina : "Ny maha ambany maharary, fa ny ambaniana no tsy laitra", tak. 53.

2. Ny lanjany

a) *hevitra tsy poaka azy*, fa azo ampiasaina hanitsiana ny fiheverana na hieritrereta, satria ao amin'ny tantara dia tsy maina toy ny anatra na toro hevitra atsipy fotsiny ireny hevitra ireny.

- *Ohatra :*

- Ny filazany an'i Tsiry sodokan'ny renivohitra : "Iarivo manko no nofinofiko fahiny fony tany Anativolo !", tak. 18.

- Ny fitodihan'ny sainy amin'ny any ambanivohitra izay mbola azo trandrahina : "Tokony ho nifototra tamin'ny fambolena sy ny fiompiana ihany aho, tokony ho nanatevina ny ambaindain'ny ambanivohitray, tokony ho nijanona ho tantsaha ihany. Toa lany andro nitoratoraka lanitra aho ka tavela ety an-dohasaham-pahantrana", tak. 11.

Mpandray anjara miserana na mandravaka

- *Ireo mpanasaka :* Mpandrabilaby an'i Tsiry, mpifosa.

- *I Hovosen :* Karana tokony hiaraka amin'i Tsiry haka entana any Maorisy, nefa nony nivadika ny tantara dia tsy hita izay nalehany.

- *Ireo mpiasan'ny seranam-piaramanidina :* Nahasitrana ny vava-bodanena.

- *Ireo mpanao famotohana :* Mampiasa fampijaliana mihatra aman'aina nefa afaka mitsipaka izany mora foana.

- *Ireo mpiatana :* Jamban'ny "fahamarinana" ny mpanana sy ny an'ireo mpanao famotohana.

Ireo lohahevitra ao amin'ny tantara

- Maro ny lohahevitra hadinadiana ao amin'ity tantara ity :

- ny fandraika mpahazo ny tanora

- ny fahafahana

- ny fahantana

- ny hamafin'ny adim piainana

- ny fihavanana

- ny lanjan'ny harena

- ny fitiavana

- ny fahamarinana

- ny alina

- ny vintana sy ny anjara

- ny fandraisan'ny Malagasy sy ny Vahiny

- Telo amin'ireo ihany no hevinihiantsika (haingunkaingana) dia ny fahamarinana, ny fitiavana ary ny hamafin'ny adim piainana.

Ny fahamarinana

1. Ny fahamarinana ny mpanana

Hoy ny mpanoratra : « Ny tompon'ny fahefana eto an-tany dia ny firenena manan-karena, ny tambaiv'orian'asa manan-karena, ny fiarakaviana manan-karena, ny olona manan-karena ». Afaka mandidy sy mitanana amin'ny sehatra rehetra izy araka izany ; mihevi-tena na heverina ho tompon'ny fahamarinana koa, araka ny hita amin'ny hoe : « an'ny vata ny fahamarinana eto an-tany ». Aminy dia io fahefany io no heveriny sy ampanjakany ho rarin'ny, vajanany ho rarin'ny ». Amin'ireo mpanana tompom-pahefana ireo dia tsy rarin'ny izay tsy mifanaraka, tsy mampitombo na tsy mampiforo ny fahefany : « ankoatra izay, tsy izy ».

2. Ny fahamarinana ny mahantra

Ny ankizy tsy manan-teny no mahatakatra ny fahamarinana heverin'ny mahantra, araka ny vialazan'ny mpanoratra : « Dia eo imolotry ny zaza tokoa va re ny fahamarinana e lo. Iri'ny mahantra ny hampanjakana azy io : « Tsy tsy fiantana no ilaiko, fa ny tokony ho ahy ; tsy mangatsika aminy aho fa mitaky ny anjara ». Vontany ampan-deferiny sy ampanjany nefa io fahamarinana io noho ny tsy fahafahany manotra : « Andan'iasa, ry Tsiry », hoy Rakotovo, izay no azontsika atao ». Hany fiononana ho azy ireo ny fiheverana fa ambon'ny loatra ny tena fahamarinana : « an'Andriamanitra ».

3. Ny fandraisan'ny "fahamarinana ny mpanana"

Milefitra en anoloan'ny fahamarinana-pahefana ataon'ireo mpanambola mpam-piasa azy ireo mahantra : « Fahanginana no asetriny ny tsy rarin'ny mihatra aminy ». Anisan'ireo mahantra ireo i Tsiry. Tsy notoberiny ny fampiangana azy ho mpandainga raha nitantara ny fampijaliana mampiharies aminy nandritra ny famotohana :

«Nivandravandra ahy ry zalahy. Niondrika aho». Nekeny ny fabereseny teo anatrehan'ireo te handentika azy: «Tsapako fa maivan-danja aho raha oharina amin'iretsy mpampahory ahy: Manam-pahefana izy! Naleoko nangina». Nozakainy ny fanamelohana azy noho ny tsy fahafantarana ny tena marina sy ny fitsipahana izay marina naronsony: «Tsy miaro tena intsony aho... Efa tsy marina ny mariko. Efa sandoka ny fahamarinako».

Ny fitiavana (teo amin'i Tsiry sy i Mino)

Ny nitsiriany:

Ny hatsaran-tarehy amam-bika sy ny hatsaran-toetra nananan'i Mino no nitiavan'i Tsiry azy: «I Mino, anisan'ireo be mpaniry tokoa noho ny bika aman'endriny kanto sy ny toetrany maotina».

Ny endrika nisehoany:

Napetrak'i Tsiry amin'ny toerana ambony ny olon-tiany: «ilay nireharehako», «nohindrahindraiko». Nametrahany fitokisana izy: «nandrasako tamim-pitokiana». Navelany koa ny helony. Nifandray tanteraka izy roa ka nifampizara hafaliana sy alahelo: «ny fanahinay niombom-pitiavana».

Ny toetrany:

Madio ny fitiavana nitiavan'i Tsiry an'i Mino: «niononako tamin'ny orokoroka». Mahery koa izany fitiavana izany, tsy resin'ny fotoana sy ny fisarahana, tsy matin'ny fahafantarana ny fahadisoana nataon'ny iray, tsy lefin'ny fiovan'ny toe-batana: «na dia nolazoin'ny aretina aza ireo takolany, na dia nalentiky ny fahantrana aza ireo masony».

Ny vakany:

Nahazo hery hanohizana ny fitadiavany asa i Tsiry noho ny fitiavana: «Hery vaovao nentiko, nikaroka asa ny fifankatiavanay sy i Mino». Naniry hanao izay bahasambatra ny olon-tiany izy: «Tiako bovidiana ho azy ny fanafody rehetra, ny sakafo rehetra».

Ny hasarotry ny adim-piainana

1. Ny mahatonga ny adim-piainana:

- Ny fahakambotiana: «Saingy ho aiza anefa? Tsy ray, tsy reny! Tsy rahalahy tafita, tsy havana hiantra! I Voahangy anabaviko no mba tena havako. E! ry Dada sy Neny! hoy ny sentoko, tsy azoko atao ny hanaraka anareo saingy raha ny safidiko, any aho toa mba handry fahalemana».
- Ny tsy fahavitan'ny fianarany na dia niezaka sy nihafy tokoa aza izy: «Anisan'ny nampanaintaina ahy koa ny momba an'io tsy nahatontosako ny fianarana ambony io».
- Ny fahasarotan'ny fitadiavana asa: «Herinandro dia lanim-pandavana ny herim-poko». «Efa te hiasa aho, mba te hiasa... Mba hanana mpampiasa hanarama ahy...».
- Ny fahasarotan'ny mipetraka amin'ny havana: ankoatra ny latsalatsa tsy maintsy niaretan'i Tsiry dia nolazain-dRamily zaodahiny mazava taminy fa «raha hamelona izao havana mafy ady rehetra izao, iza intsony no ho tafavoaka amin'ny fahantrana» ka «aleony, hono, miompy dinta na moka na hao, toy izay mahita ahy (an'i Tsiry) ao an-tranony».

2. Endrika isehoan'ny adim-piainana:

- Tsy fananana trano hitoerana: «Ary ity izaho, aiza no hisitrika?». «Tsy mahita trano hanitrihana ny lohako anin'alina aho, ka nanaraka an'i Meja tsy sazoka... Mafy ny irery anaty haizina».
- Tsy fananana izay hitsaboana sy hamalifaliana ny olon-tiana: «Kanefa izay tiako nitoetra ho faniriana, fanirian'ny tia tsy manan-katolotra».
- Fihafiana amin'ny karama kely: «karama amibilombazana».
- Fiaretana ny fanompoana isan-karazany: «Ny tolakandro manontolo fenoana irakiraka, hatabata, fanasana fiara, fisorohana tokotany».
- Fahanginana manolona ny tsy rariny: «Andao hiasa, hoy Rakotovao toy ny nanambitamby ahy! Tsy tsara raha izao ise dia hifandona amin'Ingahy Lehibe sahad...». «Misy ady tsy findy».

3. Vokatry izany fahasarotan-piainana izany:

- Mahatonga hangalatra, hanodina horonan-damban'ny tranom-barotra: «Mihetsika letsy a, hoy i Fano. Raha izay karama no antenain'ialahy, dia ho Rakotovao koa no hiafaran'ialahy!». «Raha hendry araka ny filazand-Rakotovao ialahy, dia izay hamokaran'ireny volan'ialahy ireny heverina, fa aza be fanontaniana eo, hoy i Fano! Ny ahy izao, alefako any amin'i Neny ny sasany, mba hividianany na dia tanina-ketsa ilany aza ho ahy».
- Mahatonga ho taitaitra rehefa mba tafasondratra kely ka tsy hitandrina: «Nanomboka ho havo avo aho. Nodiako tsy re anefa ireo rivotra samihafa nanakala ahy... Tsy nialasala indray Ingahy Aziz nanatama ahy valo arivo sy iray alina ariary! Ary ny «pitik'af» letsy sy teroa manginy fotsiny... Tsaroko tena Ramily zaodahiko. «Ny vola tokoa no maharangahy».
- Mahatonga ho resy, higadrai, eo anoloan'ny mpanana izay nanao azy ho fitaovana. «Tsy miaro tena intsony aho. Atao inona moa izany... Efa namadika ahy izay efa nitokisako... Rariny raha disoina aho. Efa nanaiky ho tsikalakalan'olona tsinona».

Ny mahakanto ny tantara "Vakivakim-piainana"

Araka ny efa fantatsika hatramin'izay, ny mahakanto ny tantara iray amin'ny ankapobeny dia ny *hevitra raketiny sy ny fanchoan-kevitra*.

Ny hevitra raketin'ity tantara ity ka mahakanto azy:

Ny toetra sy ny *lanjan* ny hevitra raketin'ity tantara ity no bojerena hanehoana ny mahakanto ny tantara.

1. Ny toetrany:

- a) *hevitra vaovao*, tsy nosaintsainina akory nefa maharibary tokoa rehefa eritreretrina.
- *Ohatra*:
- Ny fiheveran'i Fano ny alina: «Ny alina, letsy no tena fiainana a! Amin'ny alina tsy eo Ingahy lehibe hitrerontreona; matory i madama ka tsy afa-manira kinaka; tsy misy mpividy manabotoboto ahy intsony; mitsahatra ny fanalikana rehetra! Amin'ny alina, malalaka ny lalako, malalaka ny arabe tsy misy misakatsakana amin'izay tiako haleha. Namako daholo koa ny mandeha eny. Mahafantatra ahy, ary mba miarahaba ahy. Olona aho rehefa alina! Iza no habita ny pataosako rovitra? Tsy misy mahafantatra izay kinaroko loaka koa no anu-